



Broj:02-02-3982-1/23
Lukavac, 23.10.2023. godine

Na osnovu Budžeta Grada Lukavac za 2023. godinu („Službeni glasnik Grada Lukavac“ broj: 2/23, 9/23 i 10/23), Odluke o izvršenju Budžeta Grada Lukavac za 2023. Godinu („Službeni glasnik Grada Lukavac“ broj 2/23), Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“, broj: 6/23, 11/23 i 12/23) i Odluke o stipendiranju, nabavci udžbenika i školskog pribora za učenike romske populacije sa područja grada Lukavac u školskoj 2023./2024. godini, („Službeni glasnik Grada Lukavac“, broj: 13/23), Gradonačelnik objavljuje:

JAVNI POZIV

za stipendiranje, nabavku udžbenika i školskog pribora
za učenike romske populacije sa područja Grada Lukavac u školskoj 2023./2024. godini

I

Objavljuje se Javni poziv u budžetskoj 2023. godini za dodjelu 19 (devetnaest) stipendija, sredstava za nabavku udžbenika i školskog pribora i druge edukacije za 7 (sedam) učenika osnovnih i srednjih škola iz romske populacije, koji imaju prebivalište na području Grada Lukavac, za školsku 2022/2023. godinu, kako slijedi:

- 10 (deset) stipendija za učenike osnovne škole;
- 7 (sedam) stipendija za učenike srednje škole;
- 1 (jedna) stipendija za uspješne sportiste učenike osnovne škole;
- 1 (jedna) stipendija za uspješne sportiste učenike srednje škole;
- 7 (sedam) jednokratnih naknada/sredstava za nabavku udžbenika i školskog pribora.

Pravo učešća na Javnom pozivu imaju redovni učenici iz romske populacije sa područja grada Lukavac, a koji nisu korisnici stipendija iz drugih izvora.

II

Stipendije se dodjeljuju za jednu školsku godinu i biće isplaćene za 9 (devet) mjeseci školske 2023./2024. godine.

Visina mjesečne stipendije za učenike i učenike uspješne sportiste iznosi 50,00 KM mjesečno po jednom učeniku, odnosno učeniku sportisti, odnosno 450,00 KM jednokratno za 9 (devet) mjeseci.

Visina naknade/sredstava za nabavku udžbenika i školskog pribora za školsku 2023./2024. godinu iznosi 200 KM po jednom učeniku i biće isplaćena jednokratno.



III

Da bi ostvarili pravo na sredstva iz Budžeta Grada Lukavac za stipendiranje, nabavku udžbenika i školskog pribora, za učenike romske populacije sa područja grada Lukavac u budžetskoj 2023. godini, učenici su dužni priložiti sljedeću dokumentaciju (ispunjavanje općih i posebnih uvjeta).

OPĆI UVJETI:

1. Dokaz da je učenik pripadnik romske nacionalnosti (rodni list, ukoliko u rodnom listu nije navedena nacionalna pripadnost, dostaviti ovjerenu izjavu o pripadnosti romskoj nacionalnosti);
2. Kućna listu koja sadrži podatke o zanimanju za svakog člana domaćinstva i srodstvo sa podnosiocem Izjave;
3. Potvrda/uvjerenje od škole da je redovan učenik;
4. Za učenike sportiste, Uvjerenje sportskog kolektiva čiji je učenik član, da je aktivan i uzoran sportista sa navedenim rezultatima - ukoliko se radi o sportskoj stipendiji;
5. Izjava da kandidat nije korisnik stipendije po istom osnovu od drugih davaoca sredstava;
6. Dokaz o mjestu prebivališta (CIPS) za učenika i članove porodičnog domaćinstva najmanje jednu (1) godinu na području grada Lukavac;
7. Uvjerenje od JU Službe za zapošljavanje TK Tuzla – Biro Lukavac za oba roditelja, a ako su oba roditelja nezaposlena i nisu prijavljena kod JU Služba za zapošljavanje TK – Biro Lukavac, Uvjerenje od Biroa da se ne nalaze na evidenciji i ovjerenu izjavu da su nezaposleni;
8. Potvrda o prihodima za sve zaposlene članove domaćinstva (tri posljednje platne liste ili potvrda o prosječnoj plaći u posljednja tri mjeseca, tri posljednja penzijska čeka, tri posljednje invalidnine iz oblasti BIZ-a, prihod po osnovu privredne, uslužne ili druge djelatnosti, dopunskog rada, imovinskih prava u posljednja tri mjeseca i sl.);
9. Potvrda banke o otvorenom tekućem računu. (NE DOSTAVLJATI KOPIJU KARTICE)

POSEBNI UVJETI:

1. Kopiju svjedočanstva o završenom prethodnom razredu i potvrdu škole o prosjeku ocjena za prethodnu školsku godinu;
2. Uvjerenje o pripadnosti boračkoj populaciji;
3. Uvjerenje za roditelje ili učenika da je korisnik socijalne pomoći;
4. Učenici osobe sa invaliditetom su obavezni dostaviti rješenje o stepenu invalidnosti od „Centra za socijalni rad“ Lukavac;
5. Uvjerenje o priznavanju statusa civilne žrtve rata;
6. Dokaz da je učenik bez jednog ili oba roditelja – Izvod iz matične knjige umrlih.

**SVE DOKUMENTE JE POTREBNO DOSTAVITI SLOŽENE I NUMERISANE REDOSLIJEDOM
KAO U JAVNOM POZIVU.**

IV

Javni poziv ostaje otvoren 15 (petnaest) dana od dana objavljivanja, odnosno od dana objavljivanja na oglasnoj ploči Grada Lukavac i službenoj internet stranici Grada Lukavac.

Komisija će prvo rangirati učenike za dodjelu stipendija, a zatim učenike za dodjelu sredstava za nabavku udžbenika, školskog pribora i drugu edukaciju, zaključno sa visinom planiranih sredstava.

Komisija za dodjelu stipendija, nabavku udžbenika i školskog pribora izvršit će bodovanje kandidata i utvrditi privremenu rang listu kandidata na koju se može podnijeti prigovor Gradonačelniku u roku od 8 (osam) dana od dana objavljivanja iste.

Odluku o prigovoru, Gradonačelnik donosi u roku od 7 (sedam) dana. Odluka Gradonačelniku o prigovoru je konačna.

Nakon rješavanja prigovora, Gradonačelnik će utvrditi Konačnu rang listu kandidata za dodjelu stipendija, nabavku udžbenika i školskog pribora za učenike romske populacije sa područja Grada Lukavac.

Neblagovremeni i nepotpuni zahtjevi neće se uzeti u razmatranje.

V

Prijave na Javni poziv sa potrebnom dokumentacijom slati na adresu:

Grad Lukavac - Gradonačelnik
„Komisija za dodjelu stipendija, nabavku udžbenika i školskog pribora za učenike romske populacije sa područja grada Lukavac“
Trg slobode br. 1, 75300 Lukavac
Ili lično u šalter sali Grada Lukavac svakim radnim danom od 07 – 15:30 sati.

Obrađivač: Ž.Z.

POMOĆNIK GRADONAČELNIKA

Mirela Bubić, dipl. pravnik

GRADONAČELNIK

dr. sc. Edin Delić

Dostaviti:

1. Oglasna ploča 2x,
2. Služba za društvene djelatnosti i upravu,
3. Evidencija 2x,
4. Arhiva.